



Broj: 2-91/16  
Sarajevo, 17.08.2016. godine

### **Informacija o realizaciji ljetovanja na Boračkom jezeru u 2016. godini**

Projekat „Ljetovanje na Boračkom jezeru“, u saradnji s Odredom izviđača „Neretva“ Konjic, realizovan je sa 105 učesnika u periodu od 09. do 17. jula 2016. godine, u kampu Odreda na Boračkom jezeru.

#### **Ciljevi projekta**

##### **1. Glavni cilj**

Socijalna integracija djece i mladih različitih psihofizičkih sposobnosti i sticanje novih iskustava o jednakim mogućnostima kroz zajednički život, edukaciju, rekreaciju, sport i zabavu u istom okruženju.

##### **2. Operativni ciljevi**

Realizacijom edukativnih sadržaja kod učesnika doprinijeti novim znanjima i vještinama o:

- vjerskoj, etničkoj i socijalnoj toleranciji;
- integraciji i inkluziji kroz sport i zabavu;
- promociji i zaštiti ljudskih prava s težištem na prava djece i mladih;
- intimnom i reproduktivnom zdravlju djece i mladih;
- aktivnom odnosu prema prirodnoj okolini;
- prevenciji i zaštiti od ubojnih sredstava;
- prevenciji opasnosti prilikom boravka u prirodi;
- afirmaciji volonterizma i omladinskog aktivizma;
- mogućnostima za djelovanje u lokalnoj zajednici.

#### **Pripreme za ljetovanje**

Administrativno-operativne i materijalno-tehničke pripreme ostvarene su realizacijom Plana priprema za ljetovanje, u koordinaciji sa Odredom izviđača „Neretva“ Konjic.

#### **Učesnici ljetovanja**

Na ljetovanju su učestvovala sljedeće grupe:

- Udruženje „Obrazovanje gradi BiH“ Sarajevo,
- Udruženje „Oaza“ sarajevo,
- Zavod „Drin“ Fojnica,
- ORI „Budi mi prijatelj“ Visoko,
- Crveni krst općine Novo Sarajevo,
- Choisy Le Roi Francuska,
- Mladi iz Prijedora,
- Ferijalni savez Sarajevo, i
- Odreda izviđača „Neretva“ Konjic.

Radi lošeg vremena, nakon dana 16.07.2016., ljetovanje su prekinuli učesnici iz Udruženja Oaza iz Sarajeva i Zavoda Drin iz Fojnice, kao i grupa iz Francuske radi ranije planiranog povratka avionom u Francusku.



Usluge ishrane u kampu 09. i 10. jula koristili su učesnici projekta psihosocijalne rehabilitacije.

### Realizacija planskih sadržaja

Tokom ljetovanja planski su realizirani slijedeći sadržaji:

- **Edukativni:** Preventivne mjere prilikom boravka u prirodi, Upoznavanje sa Francuskom Republikom, Nasilje nad djecom, Opasnosti i zaštita od mina, Spolno prenosive bolesti, Inkluzija, Međuljudski odnosi i zavisnost.
- **Sportsko-rekreativni:** Kvalifikaciona i finalna takmičenja u malom nogometu i odbojci na pijesku, šahu i prijepodnevi i popodnevni boravak na plaži kada su dozvoljavali vremenski uslovi. Učesnicima je, pored takmičarskog, bilo omogućeno rekreativno igranje šaha i tavle.
- **Zabavni:** Disko večeri, zabava uz logorsku vatru, zabava uz harmoniku, Izbor miss i mistera kampa uz prigodan program, i proglašenje najuspješnijih sportskih ekipa i pojedinaca.
- **Društveni:** Na primjeren način obilježen je 11. juli - Evropski dan sjećanja na genocid u Srebrenici, te anketiranje učesnika na temu „Slobodno vrijeme djece i mladih“.

Tokom ljetovanja nije bilo težih povrijeđivanja i oboljenja, radilo se uglavnom o ogrebotinama, ubodu insekata, blažim oblicima upala i blagim povećanjima tjelesne temperature pri čemu je pravovremeno pružena odgovarajuća pomoć tako da nije bilo potrebe za ljekarskom intervencijom.

Štab ljetovanja u cjelosti je izvršio funkcionalne obaveze i odgovornosti što je doprinijelo odgovornom ponašanju učesnika ljetovanja a naročito zalaganje, uz svakodnevno veliko opterećenje, ispoljile su kuharice.

Posebno zalaganje članova Štaba, rukovodilaca grupa i članova Odreda izviđača „Neretva“ Konjic ispoljeno je prilikom pogoršanja vremenskih uslova na zaštiti zdravlja i lične imovine učesnika.

Učesnici ljetovanja ispoljili su korektno i disciplinirano ponašanje u svim prilikama, te nisu podlegli panici prilikom pogoršanja vremenskih prilika.

### Stimulativne mjere

Tokom ljetovanja dodjeljene su sljedeće stimulativne mjere:

- 1 kolektivna zahvalnica Odredu izviđača „Neretva“ Konjic
- 5 pojedinačnih zahvalnica
- 4 diplome za takmičenje u malom nogometu
- 5 diploma za takmičenje u odbojci
- 2 diplome za takmičenje u šahu
- 23 pismene pohvale
- 7 knjiga s posvetom
- 29 pohvala pred strojem
- 21 nagrada za najbolje uređene šatore
- 3 poklona povodom rođendana
- 1 fudbalska lopta najmlađem učesniku turnira u malom nogometu
- 1 pehar za fer pley



Podatak da su učesnici ljetovanja iz Udruženja „Obrazovanje gradi BiH“ bili zastupljeni sa oko 25 % ukazuje na nedovoljan interes stipendista za ljetovanje na Boračkom jezeru.

Uz primjernu disciplinu, naročito zalaganje u realizaciji edukativnih sadržaja ispoljili su članovi Odreda izviđača „Neretva“ Konjic, volonteri Crvenog krsta/križa Općine Novo Sarajevo, Melina Dželović, stipendistica, kao edukator i u funkciji prevodioca i Omerčević Senid, medicinski tehničar iz Zavoda „Drin“ u pružanju prve pomoći.

Troškovi ljetovanja u iznosu 11.712 KM podmireni su sredstvima donatora u robama, sredstvima Udruženja, participacijom organizacija/ustanova izvan strukture Udruženja.

#### **Zaključak:**

1. Opći i posebni ciljevi ljetovanja, i pored loših vremenskih uslova, ostvareni su u visokom stepenu, prema Okvirnom planu ljetovanja čemu je doprinijelo uspješno rukovođenje.
2. Smještaj i ishrana su bili na nivou koji je zadovoljio standarde dužeg boravka u prirodi, te je ostvareno poboljšanje higijenskih uvjeta u kampu.
3. Uspješno su, uz neophodne korekcije izazvane lošim vremenom, realizirani edukativni, sportsko-rekreativni i zabavni sadržaji.
4. Posebna pažnja posvećana je učesnicima sa posebnim potrebama i mjerama lične i kolektivne sigurnosti na plaži i spječavanju povreda na sportskim takmičenjima.
5. Nisu zabilježeni teži oblici oboljevanja i povrijeđivanja, osnovna prva pomoć pružena je u kampu angažovanjem medicinskog tehničara iz Zavoda „Drin“.
6. Nisu zabilježeni primjeri nediscipline, niti je bilo potrebe za izricanjem disciplinskih mjera.
7. Učesnici su anketiranjem dali visoke ocjene o kvalitetu ljetovanja i izrazili želju za učešćem u 2017. godini.

#### **Prijedlozi:**

- U saradnji sa Odredom izviđača „Neretva“ Konjic organizovati i pripremiti ljetovanja u narednom periodu.
- Nastaviti saradnju sa OOCK Novo Sarajevo, Udruženjem „Oaza“ Sarajevo, Zavodom „Drin“ Fojnica i za eventualno naredno ljetovanje.
- Na ljetovanju zastupiti princip multietničnosti, integracije i inkluzije.

INFORMACIJU SAČINIO  
Mehmed Agić